

President di ASOMA Sr. Elvi Marten na palabra riba reorganizacion di ASOMA

Part (1)

“Pa medio di e comunicado aki lo mi kier a presenta mi mes, aunque no di forma oficial, na boso como e president nobo di ASOMA.

Un noticia cu talves ya caba a yega na boso orea.

Debi na tanto trabao cu ta concèrni reorganizacion, y tambe asuntonan cu a keda pendiente pa worde regla mi no por a yega asina leu ainda pa yama un reunion general pa informa boso.

Sin embargo mirando e urgencia pa pone asuntonan di nos organizacion na ordo mi kier hasi uso di e oportunidad aki pa prome biaha den mi funcion como president, tuma contacto cu nos miembronan.

Siman cu a pasa alrededor di 200 copia di e comunicado aki a worde reparti na cas di nos miembronan.

Mi no a logra entrega tur.

Di antemano mi disculpa.

Como cu ta algo costoso y cu a tuma bastante tempo pa por a hasi esaki, hibando un

maneho transparente, mi a dicidi di manda e comunicado pa prensa, pa asina e otro miembronan tambe por haya e informacion.

Momento cu mi a asumi mi encargo como president di ASOMA, mi a cuminsa traha ariba un concepto di un nota di maneho, cu ta encera diferente proyecto cu ta di suma importancia pa continuacion di existencia di ASOMA.

Pa menciona algun :

-Reunion cu Parlamento di Aruba (efectua 19-5-05)

-Sanea situacion financiero di ASOMA

-Implementacion cobranza di contribucion

-Update lista di miembrecia

-Organiza eventonan pa recauda fondo

-Organisa workshops pa miembronan

-Update administracion (ta tumando lugar)

-Organiza charla encuanto posibilidad di aseguro pa

musiconan (encargo di Luigi RASMIJN)

-Regla asunto di cobranza di honorarium conforme nos Statuut / Huishoudelijk reglement.

-Pone ASOMA ariba internet (website) pa informacion)

-Organiza eventonan social/deportivo pa miembronan y familia.

-Trata di obtene beca pa musiconan local cu ta bini na remarke, bay studia musica den exterior.

Awor mester bini cu e “stappenplan” (planificacion di e jaarprogramma), pa determina e termino den cual tur e proyectonan menciona y otronan cu ta pending por worde ehecuta.

E ultimo aki lo por bira realidad den futuro si den cuadro di realizacion di reorganizacion di ASOMA y Departamento di Cultura, nos demonstra cu nos tin e derecho di existencia.

Mirando na prome lugar e urgencia pa sana e situacion

financiero di ASOMA, lo mi kier pa medio di e comunicado aki, participa na tur miembronan lo siguiente:

Durante un reunion den luna di November 2004 cu lidernan di banda a worde acepta un resolucion den cual nan a compromete nan mes, di tuma e encargo di cobranza di contribucion di e miembronan di ASOMA, cu ta integrante di nan banda musical, y entrega esaki na e tesorero, of deposita e suma di placa aki ariba e cuenta bancario di ASOMA, na Caribbean Mercantile Bank., account no. 15509500.

Esaki di acuerdo cu articulo 11 punto 1 di nos Statuut cu ta dicta lo siguiente;

-Medionan precauda fondo pa ASOMA, ta consisti entre otro di

pto 1 . contribucion “ . Articulo 7 punto 3 di nos Huishoudelijk reglement ta regla e procedura di pago y ta como lo siguiente.

- E contribucion ta fl. 120.—pa anja (fl.10.—pa luna) y tin cu worde paga na cuminsamento di aña. E termino di pago di contribucion ta core normalmente di 1 di januari pa 31 di juni, y di 1 di juli pa 31 di december di e aña calendario cu nos ta aden.

Miembronan cu ta desea di paga nan contribucion den dos termino es ta di 1 di januari i 1 di juli di e anja calendario cu nos ta den, mester hasi un petition por escrito, prome cu 1 di december di e aña cu ta bai habri.

- Si pa 1 di maart di e aña coriente e contribucion pa e prome mitar aña no ta pagá, anto lo

cobra un suma adicional di fl. 5.—pa costonan di administracion y cobranza.

- Si despues di un aviso pa paga denter di 14 dia e miembro no cumpli cu su obligacion

financiero, anto e lo worde geschorst.